

KA ACTERIK KE ICI WITCIHAKANIWITCIK KA AKWERITAMIHAKANIWITCIK KANATA

AKA E ACTEK KITCI TIPATCIMONANIWOK

Kekwan nihe aka e actek kitci tipatcicikatek ?

Aka e actek kitci tipatcimonaniwok wirawaw tipaskonikewinik ka mitatcik aka kitci tipatcimonaniwok aka kaie kitci pamitcicahikatek kekwan. Tekaci aka kitci kiskeritakosic ka ki akweritamihakaniwoc kekoc ka tipatcimotc kekoc kotak awik neta ka taciketc e arimitakosinaniwonik. Nihe wetci ici orakonikaniwoc aka kitci otamihakaniwoc aniki mekwatc ka ka pimotetcik arimitakosiwinik.

Acteriw naha otci ka itactahorakaniwoc !

Nihe kitci masinahikan Charte canadienne des droits des victimes esko 23 mikomim pisimw 2015 apatan. Nihe orakonikewin actew kitci pimotemakan aniki otci ka itactahorakaniwoc aka kitci takickakotcic opimatisiwiniwak matci kaie wirawaw tipirawe nataweritamok aka kitci kiskeritakosicic. E acterik kaie wirawaw kitci natotowakaniwocic.

Tan apitc aniki tipaskonikewinik ke oreritakik aka kitci tipatcimonaniwonik ?

Kotc e kitciparik arimitakosiwin enko nihe nictam ka pimotemakan système de justice pénale kanata askik. E isparaik meka ko kaskina matci awik icaw e nta natotak e arimitakosinaniwonik. Peikon kaie tan e icinikasotcic akwaskahikatew ko niheriw masinahikan awin ka arimitakosic kekoc ka tipatcimotc e arimitakosinaniwonik. Matci tca wir ka tiperitak arimitakosiwin oreritam aka kitci kiskeritakok. Nosanetaw niheriw tispaskonike iriniw tan ke ici oreritak

kitci kiponak kekoc kitci kiskeritakonik. Nte aric ici kanawapatam tan e icinakok nihe patahamowin kekoc kotak kekwariw kata aspictaw. Ohwe tca matci ici acotcparin ;

- Kirowe kitci miroparitac e tipatcimotc aka kitci koctak,
- Kitci miro nakatawerimakaniwocic ka koctatcik kitci witakik ka tipatcimotcic kekoc awacak peikon kaie ka ki patahakik,
- Kitci witciahakaniwocic kotakahik awenak kitci witakik kekoc kitci mamicitatakik kice patahamowiniw ka katakaniwonik
- Kitci miro nanakatciahakaniwocic mekwatc neta ka pimotetcik arimitakosiwinik,

Tante e ici aspitatc tipaskonikewin kekwariw wetci oreritak aka kitci tipatcimotcicikatek ?

Nihe kitci masinahikan Code Criminel ekote e otciparik ke ici nosanetakaniwoc orakonikewin. Papatoc tca matci isparin tan kotc awik e ici nataweritak aka kitci tipatcimonaniwoc.

Mitowi acteriw kitci witamowakanitc awik aka moci 18 e tato piponesic kekwan anihe aka e actek kitci tipatcimonaniwoc kwecan kaie wir nataweritake kitci actakaniwonik. Kecpin nataweritake patam kata nosanetaw naha tipaskonikewinik ka mitatc. Kaskina kaie anihik kotakahik ka tipatcimotcic kaie ka itactahorakaniwocic acteriw kitci witamowakaniwocic matci kitci nataweritakik niheriw aniki aka moci ka moci 18 ka tato piponesicic. Patam tca kata pimotetawok niheriw e ici nataweritcikerik aniki ka mitatcik tipaskonikewiniw.



E ACTEK WERITA
KITCI WITAMAKOIN



E ACTEK KITCI
NANAKATCIHIKOIN



ACTEW KITCI
NTA WITAMAN



ACTEW KITCI
NATOCKASOIN



ACTEW KITCI
ARIMIHIWEIN

KA ACTERIK KE ICI WITCIHAKANIWITCIK KA AKWERITAMIHAKANIWITCIK KANATA

Anaha Code criminel itactaw matci wir tipaskonikewinik ka mitatc kata ki oreritam aka kitci tipatcimonaniwonik kitci miro nanakatcihac mekwatc ka itactahorakaniwiritci kekotc ka patahamiritci awocamec 18 ka tato piponesiritci. « awocamec kitci miroparik arimitakosiwin » matci kaie wir kata oreritam tipaskonikewinik ka mitatc kaskina kotakahik otci neta ka pimotetcik e arimitakosinaniwok aniki ka wicamakaniwiticik ko kitci apitcicik ke witcihiwetcik tan ke ici orakonakaniwiticik awik kekotc takonike iriniwok kekotc aniki kotakahik ka takickakotcicik arimitakosiwiniw. Peikon kaie aniki orina ka kocatikositcicik kaskina awik otci. Apitc tca ke pimotemakak naha ka mitatc tipaskonikewiniw mitceniw ke nosanetatc kitci oreritak aka kitci tipatcimonaniwonik. Enko tca ohweriw :

- Acteriw naha ka itactahorakaniwiticik kaskina awik kitci kiskeritak kirika mia kitci icinakonik
- E ici kocatikonik kitci kiskerimakaniwiticik wir otci ka itactahorakaniwiticik kekotc ka witak kekotc naha ka takickakotc arimitakosiwiniw,
- Patam tca actakaniwiniw niheriw irakonikewiniw kitci miro kanawerimakaniwiticik aka osami wiec kitci pa aitotowakaniwiticik
- Itaniwon kaie ekoci kitci mamicitcicikatek kaskina ka ici wapatcicikatek patahamowin acitc aka kitci kockakik aniki ka itactahorakaniwiticik acitc aniki ke witakakik kekwariw patahamowinik.

Neta ici masinatewa kaskina anihni e witcikemakak Code criminel.

Tante ke totcicatek e nataweritcicatek nihe aka kitci tipatcicikatek ?

Nihe Code criminel witam wewerita tan ke aitotcicatek e nataweritcicatek nihe aka kitci tipatcimonaniwok :

- Naha arimitakosi iriniw ka nikanictak, ka akweritamihakaniwiticik ka tipatcimotc, ka witak kekotc ka nosanetatc arimitakosiwiniw matci nataweritam aka kitci tipatcicikaterik patam aric kata motci masihikew niheriw e nataweritak.
- Naha tca mirakaniwiniw kice tipaskonikew iriniw wir tca kata oreritam kecpin aka moci e ki otci orapamakaniwiticik matci kotak neta ka tatc.
- Anaha arimitakosi iriniw, ka itactahorakaniwiticik kekotc kotak awik niheriw ke takickakotc aka kitci tipatcicikaterik patam kata witam. Wirawaw tca tipaskonikewinik ka mitatcicik kata oreritamok tan apitc ke iciwitacik tipatcimo masinahikanik kitci petakaniwok. Mitowi patam kata witamowakaniwok aniki ka otamirotcicik tipatcimo masihakanik aka tekaci kekwariw kitci tipatcimotcicik.

- Matci kata actawok tipaskonikewinik ka mitatcicik kitci arimitakosinaniwok nihe e nataweritcicatek kaskina tca patam kata tacikewok anaha ka itactahorakaniwiticik kaie ka tipatcimotc acitc aniki kotakahik ka takickatcicik arimitakosiwiniw. Kitci witakik kekwariw wetci nataweritakik niheriw. Anaha kaie arimitakosi iriniw kaie wir matci kata tacikew peikon kaie aniki tipatcimo masinahikanik ka otamirotcicik kaie wirawaw kitci arimwetcicik.

Tan e isparik mekwatc e arimitakosinaniwok ?

Kecpin nihe otci e arimitakosinaniwok aka kitci tipatcicikatek ekota ke otci oreritcicatek kecpin tekaci aka kotak awik kitci kiskeritak kekotc kaskina awik matci kitci petak. Anaha ka itactahorakaniwiticik kekotc naha ka tipatcimotc kekotc kotak ka takickakotc arimitakosiwiniw ka nataweritak niheriw matci kaie kata ki naskamo kekotc otarimitakosi irinima kata itectamako.

Kecpin tca naheritamowate aniki tipaskonikewinik ka mitatcicik tekaci aka kitci witcicatek kekwan kitci miro nanakatcihakanawitcicik anaha ka itactahorakaniwiticik ke witak acitc kotakahik ka takickakotcicik arimitakosiwiniw. wirawaw tca kata witamok kitci nosanetakaniwonik otirakonikewiniwaw. Kata takon aric ke nosanetakaniwok matci tan tato irikik ke pimotemakak irakonikewinik.

Tan tca ke itosketcik wirawaw ka itactahorakaniwiticik ka tipatcimotc acitc kotakahik ka takickakotcicik arimitakosiwiniw kecpin nihe e actakaniwok aka kitci tipatcicikatek ?

Acteriw werita kitci nisitotakik aniki ka akweritamihakaniwiticik acitc ka tipatcimotc acitc kotakahik ka takickakotcicik arimitakosiwiniw kekwariw wetci actatcicik aka kitci tipatcicikaterik. Tekaci nama kata ki wirakaniwok masinactetcikanik kekotc nama kata ki aimihewok neta ka ici otamiroritci tipatcimo masinahikewikamikok. Mitowi naha ka akweritamihakaniwiticik nama kata ki masinahamowew neta ka ici otamiroritci tipatcimo masinahikewikamikok.

Ka akweritamihakaniwiticik ,ka tipatcimotc, ka witapimiwetc e arimitakosinaniwonik matci kata minawatc oreritam kitci tipatcimonaniwonik. Enko naha patam ke nataweritak nete tipaskonikewinik niheriw kitci pimotemakanik. Patam aric kata werita kata witam kekwariw wetci ki minawatc nte ici oreritak kitci atcinakonik.

.....

Awin ke ki aimihakaniwitc kecpin awocamec e wi nanto kiskeritcikatek ?

Kecpin kir awik kiskerimate e akweritamihikoekw matci ki ka ki witcihikowinawaw. Kaskina wic ota kanata askik takon nihe witcihiwewin aniki otci ka akweritamihakaniwitcik matci ki ka witcihikowaw kekotc kata naskamo ka ici kokwetcikemowin. Neta takon e masinatek ke ki ici witcikoin. Répertoire des services aux victimes wirawaw ki ka witamakok tante ke ici nta kokwetcikemoin ite e ici peconakok kitacikewin.

<http://www.justice.gc.ca/eng/cj-jp/victims-victimes/vsd-rsv/index.html>

.....

© Kitci Okimakew e nikanipictak ota Kanata askik aniki tca e atossectowatcik kitci tipaskonike iriniwok acitc ka nikanipictak tipaskonikewinik Kanata 2019

ISBN 978-0-660-30550-9
Cat. No. J2-412/8-2015Rc1-PDF